



Universitätsbibliothek Paderborn

**Io. Francisci Leonis Eporediensis I. V. D. Episcopi
Thelesini Thesaurus Fori Ecclesiastici**

Leoni, Giovanni Francesco

Coloniae Agrippinae, 1682

4 Praedicatorum eligendi munus ad Episcopum spectat, nisi adsit
consuetudo immemorabilis in contrarium, & num. seq.

urn:nbn:de:hbz:466:1-10316

Censuras ecclesiasticas, seu alias ad ipsius Episcopi arbitrium sunt cogendi; ita ut etiam, si ei sic expedire visum fuerit, ex beneficiorum fructibus alteri, qui id præstet, honesta aliqua merces persolvatur, donec principalis ipse resipiscens officium suum impleat, d. c. 2. §. Archipresbyteri que ē, sess. 5. & c. 4. de resor. sess. 24. Quare potest, quoad eos, qui parochis impeditis, loco parochorum ad prædicandum sunt deputandi, de duobus, Primo, an ab episcopo, vel à communitatibus, aut alijs sine deputandi. Secundo, quorū impensis debeat prædicare.

4 Quod verò ad primum † maxima fuit differentia inter communitatē loci Candie, Lumelline, Vercellen. Diœces. & me Vicarium generale, qui, absente Episcopo, deputavi, misique prædicatorem. Et pro me faciunt verba sacrae scripturæ: quomodo prædicabunt, nisi mittantur. Rom. 10. c. cum ex injuncto de hæret. & Conc. Trid. eod. c. 4. ibi per alios ab Episcopo, & c. deputandos, & ita super eod. cap. fuit à sacra congregatiōne Cardinalium declaratum, ut in decis. sub. tit. Sipon. & in alijs decis. sub numeris recollectis decis. 192. & 251. nisi in contrarium sit consuetudo ab immemorabili tempore citrā: quo casu Concilium non sustulit hanc immemorabilem; ut declaravit eadem sacra congregatio in d. decis. sub tit. Sipontin. alia sub tit. Neapolitan. & alia sub decis. 355.

Episcopus autem † habet semper intentionem fundatam, quia consuetudo est facti, quæ servatis servandis, parte citata probari debet, l. I. & ibi glo. in ver. probatis, & Bar. num. 3. C. quæ sit ion. consuetud. & in l. omnes populi, numer. 67 ff. de just. & jur. & plene debet probari, ita quod testes singulares non probent eam consuetudinem, se-

cundum magis communem conclusionē, de qua testatur Olalch. decis. 99. n. 8. & non sufficit probare quadragenariam, sed requiritur immemorabilis, ut in dictis decisionibus, quæ probari debet per testes deponentes, quod semper viderunt, & audierunt, quod prædicatores pro tempore fuerunt deputati à communitate; ita quod nunquam audierunt, vel viderunt contrarium; & quod communis est & semper fuit opinio in loco, quod ita fuerit observatum. gl. in cap. I. in ver. memoriam de præscr. in 6. Bar. in lib. I. §. fin. de ag. plu. arc. Natt. conf. 154. n. 5. vol. I. & Corn. conf. 222. n. 1. vol. I. Et cum pro parte dictæ Communitatē Candie, fuisset differentia hujusmodi eorum sacra congregatiōne Ordinatiorum in Urbe introducta, & supradicta sacra congregatiōne Episcopo Novariensi delegata, partibus plures auditis, de anno 1597. pronunciatum est, ab Episcopo prædicatore esse deputandum ex supra allegatis.

6 † Secundum dubium, qui prædicatoriis impensis præstare teneantur: si constat de solito, est dictum, quia illas tenentur præstare qui sunt in possessione ipsas subministrandi, Conc. Trid. eodem c. 4. ibi per alios ab Episcopo, impensis eorum, qui eas præstare, vel tenentur, vel solent, sess. 24 & ubi est consuetudo, quod populus expensas, & eleemosynam prædicatori persolvat, potest ad id per Episcopum cogi, ut in decisione supra eodem cap. 4. à sacra congregatiōne facta sub titulo Troian. Nuscan.

Si verò nullum ad est solitum, nec consuetudo, erit distinguendū, quia aut parochus habet redditus sufficientes pro onere sustentando, & tunc ipse debet, & tenetur impensis, & eleemosynā prædicatori subministrare; nam, cum sit proprium onus ipsius